

NOTIS PRIVASI

(Dikemas kini pada 06 September 2023)

1. Skop Notis Ini

- 1.1 Notis Privasi ini diterima pakai bagi maklumat, termasuk data peribadi[^], yang dikumpul tentang anda oleh Public Islamic Bank Berhad ("PIBB"), dirujukkan di dalam notis ini secara individu atau kolektif sebagai "Bank", "kita" atau "kami".
- 1.2 Notis Privasi ini menggariskan bagaimana kami memproses data peribadi anda yang dikumpul oleh Bank melalui saluran di bawah dari mula dikumpul, digunakan, dikongsi, dilupuskan dan langkah keselamatan yang telah kami wujudkan untuk memastikan data peribadi anda selamat:
 - "Dalam talian" melalui Laman Web dan Aplikasi mudah alih kami; dan
 - "Luar talian" menerusi produk dan perkhidmatan yang ditawarkan di kaunter, oleh Wakil Perkhidmatan Pelanggan Bank dan/atau pasukan jualan dan pemasaran Bank dan semasa semakan usaha wajar oleh pegawai Bank.

[^]Maklumat yang diambil daripada urusan niaga perdagangan yang semunasabahnya boleh mengenal pasti anda.

2. Komitmen Privasi Kami

- 2.1 Notis Privasi ini dikeluarkan untuk memaklumkan kepada anda tentang komitmen Bank terhadap dasar untuk memastikan kerahsiaan, integriti dan keselamatan maklumat yang diberikan oleh anda kepada kami pada setiap masa kerana kami memahami pentingnya maklumat peribadi yang ada pada kami tentang pelanggan dan kepercayaan yang diletakkan oleh mereka kepada kami.
- 2.2 Data peribadi anda diklasifikasikan sebagai rahsia dan hanya boleh didedahkan oleh kami sekiranya diizinkan oleh anda, dibenarkan oleh undang-undang (termasuk peraturan, piawaian, garis panduan dan/atau obligasi) yang diterima pakai oleh Bank.

3. Sumber Pengumpulan Maklumat Peribadi Anda

- 3.1 Kami akan mengumpul maklumat daripada pelbagai sumber termasuk tetapi tidak terhad pada sumber-sumber yang dinyatakan di bawah, yang mungkin merupakan data peribadi dan/atau *data peribadi sensitif yang relevan dalam hubungan perniagaan kami dengan anda:

a. **Maklumat yang kami kumpul terus daripada anda apabila anda:**

- Memohon untuk produk atau perkhidmatan, membuka akaun (dalam talian atau luar talian), membuat deposit ke dalam atau pengeluaran daripada akaun anda, membayar bil anda atau memohon untuk pembiayaan atau menggunakan kad kredit atau kad debit anda;
- Bercakap dengan kami menerusi telefon atau secara bersemuka termasuk semasa proses penjualan atau pemasaran produk atau perkhidmatan kepada anda atau apabila anda menelefon untuk membuat pertanyaan dan/atau menerusi panggilan telefon oleh pegawai telepemasaran kami; dan
- Melayari laman web kami, menggunakan perkhidmatan kami, melihat iklan dalam talian kami.

b. **Maklumat yang kami kumpul tentang anda daripada sumber lain tanpa penglibatan secara langsung oleh anda yang dibenarkan oleh undang-undang:**

- Daripada Agensi Rujukan Kredit bagi tujuan penilaian kredit semasa mempertimbangkan permohonan kredit; dan
- Daripada apa-apa perintah mahkamah atau badan pengawalseliaan yang mempunyai kuasa ke atas Bank atau apa-apa agensi penguatkuasaan undang-undang bagi tujuan untuk mempertimbangkan pembukaan/pengekalan akaun tuan/puan dengan kami.

*Termasuk maklumat tentang tahap kesihatan fizikal dan mental, pandangan politik, kepercayaan agama atau rekod jenayah anda.

4. Pengumpulan Maklumat Peribadi

- 4.1 Jenis maklumat peribadi yang dikumpul bergantung kepada jenis produk atau perkhidmatan yang anda inginkan dan pengumpulan maklumat mungkin bermula sebelum atau selepas anda bersetuju untuk menerima atau bergantung kepada cara bagaimana anda mengakses dan menggunakan produk dan perkhidmatan kami. Maklumat yang dikumpul termasuk:

a. **Maklumat yang mengenal pasti anda:**

- Nama, gelaran/pangkat, alamat surat menyurat, alamat e-mel dan maklumat lain seperti nombor telefon, nombor telefon mudah alih, dsb.;

NOTIS PRIVASI

(Dikemas kini pada 06 September 2023)

- Umur, jantina, tarikh lahir, bangsa, kewarganegaraan, taraf perkahwinan, butir-butir dokumen pengenalan diri seperti kad pengenalan atau pasport, mana-mana yang berkenaan;
- Butiran pendidikan dan pekerjaan anda;
- Maklumat yang dikesan oleh sistem keselamatan [termasuk rakaman imej anda di Televisyen Litar Tertutup ("CCTV")] yang sistem keselamatannya dikendalikan dan dijalankan oleh Public Bank Berhad ("PBB");
- Nama dan butir-butir pegawai dibenarkan, pengarah, pemegang saham, pemilik bermanfaat, pendaftaran perniagaan, negara di mana syarikat diperbadankan dan urusan kewangan atau perdagangan syarikat, mana-mana yang berkenaan;
- Tarikh diterima masuk ke Badan Peguam (untuk peguam sahaja);
- Hubungan dengan pelanggan lain/pihak ketiga; dan
- Nombor pendaftaran cukai Barang dan Perkhidmatan (untuk tujuan input cukai).

b. **Maklumat tentang kedudukan kewangan anda:**

- Sumber pendapatan, perbelanjaan, simpanan, aset, liabiliti, portfolio pelaburan dan sejarah peminjaman;
- Nombor akaun/Nombor cukai pendapatan;
- Penyata kewangan beraudit/Pengurusan terkini;
- Laporan kredit daripada agensi pelaporan kredit, laporan penyesuaian harian; dan
- Pandangan daripada bank-bank lain tentang kebolehpercayaan kredit anda.

c. **Maklumat tentang tujuan anda menggunakan produk atau perkhidmatan kami.**

d. **Maklumat tentang pandangan anda tentang produk, perkhidmatan atau kakitangan.**

4.2 Di bawah keadaan tertentu, kami juga mungkin mengumpul data peribadi sensitif sekiranya:

- a. Kami memerlukan untuk menyediakan produk dan perkhidmatan tertentu untuk anda; atau
- b. Anda memohon pekerjaan dengan kami.

4.3 Kami juga akan mengumpul data peribadi mengenai kanak-kanak daripada ibu bapa/penjaga sah sekiranya kami perlu menyediakan produk dan perkhidmatan tertentu kepada kanak-kanak tersebut.

5. **Maklumat Peribadi tentang Pihak Ketiga**

Sekiranya pada bila-bila masa anda memberi kami maklumat peribadi tentang individu lain atau sekiranya anda bergantung kepada orang lain seperti suami atau isteri, ibu atau bapa atau mana-mana pihak ketiga, anda perlu memastikan yang anda dibenarkan untuk berbuat demikian dan anda bersetuju untuk memaklumkan kepada individu tersebut siapa kami, bahawa kami boleh menggunakan dan mendedahkan maklumat peribadi berkenaan dan bahawa mereka boleh mendapat akses kepadanya sekiranya kami menyimpan maklumat berkenaan.

6. **Penggunaan Maklumat Peribadi**

Walaupun tujuan utama pengumpulan maklumat tentang anda adalah untuk digunakan dalam urusan biasa perniagaan harian antara Bank dengan anda, maklumat berkenaan juga boleh diguna pakai bagi tujuan yang berkaitan dengan tujuan utama berkenaan termasuk tetapi tidak terhad kepada yang berikut:

- a. Penyediaan perkhidmatan perbankan kewangan dan perkhidmatan lain yang berkaitan serta kemudahan kredit kepada anda;
- b. Penawaran, jualan silang dan pemasaran produk dan perkhidmatan PIBB, gabungan kami yang terdiri daripada Public Bank Berhad, Public Investment Bank Berhad, Public Mutual Berhad, PB Trustees Services Berhad, Public Nominees (Tempatan) Sdn Bhd, Public Nominees (Asing) Sdn Bhd, AIA Public Takaful Berhad, Lonpac Insurance Berhad, AIA Berhad, Public Bank (Hong Kong) Limited, Public Finance Limited, Winton (B.V.I) Limited, Cambodian Public Bank PLC, Campu Lonpac Insurance PLC, Public Bank Vietnam Limited, Public Bank (L) Limited, PB Trust (L) Limited, Campu Securities PLC dan Public Securities Ltd ("Gabungan");

NOTIS PRIVASI

(Dikemas kini pada 06 September 2023)

- c. Membuat semakan kredit dan status lain pada masa permohonan dibuat dan secara berkala sepanjang tempoh kredit untuk memastikan kebolehpercayaan kredit pelanggan;
- d. Mencipta dan mengekalkan pemarkahan kredit dan model berkaitan dengan risiko Bank;
- e. Menyediakan rujukan (untuk pertanyaan status);
- f. Mengekalkan sejarah kredit pelanggan;
- g. Membantu institusi kewangan lain untuk membuat semakan kredit;
- h. Menyesuai dan memperbaiki perkhidmatan kewangan atau produk yang berkaitan untuk kegunaan pelanggan;
- i. Pemantauan dan kawalan dalaman, termasuk tetapi tidak terhad kepada penentuan amaun yang terhutang kepada atau oleh pelanggan;
- j. Pelaksanaan kewajipan pelanggan, termasuk tetapi tidak terhad kepada kutipan amaun yang tertunggak daripada pelanggan dan pihak lain yang mempunyai liabiliti dengan Bank;
- k. Apabila pendedahan diperlukan di bawah mana-mana undang-undang, peraturan, perintah mahkamah atau apa-apa garis panduan lain yang dikeluarkan oleh pihak berkuasa pengawalseliaan (yang mempunyai kuasa ke atas Bank) atau mana-mana agensi penguatkuasaan undang-undang;
- l. Membolehkan pemegang serah hak Bank yang sebenar, atau yang dicadangkan, atau peserta, atau sub peserta untuk menaksir hak Bank terhadap pelanggan, berkenaan urus niaga yang hendak dijadikan subjek penyerahan hak, atau penyertaan atau sub penyertaan;
- m. Kajian dan analisis statistik (termasuk analisis tingkah laku);
- n. Berurusan dengan firma guaman untuk menyempurnakan dokumentasi sekuriti bagi pembiayaan dan pendahuluan pembiayaan pelanggan;
- o. Memproses data peguam untuk membolehkan Bank menilai kesesuaian mereka untuk dilantik sebagai Panel Peguam Bank;
- p. Membantu vendor yang dilantik oleh Bank untuk menjalankan penyelenggaraan dan sokongan untuk sistem dan peralatan teknologi maklumat.
- q. Pemeriksaan usaha wajar untuk kakitangan, pembekal, vendor, pembekal perkakasan dan perisian teknologi maklumat sebelum memasuki kontrak perkhidmatan dengan mereka atau membeli produk daripada mereka;
- r. Mereka bentuk dan menganjurkan kempen/promosi/acara untuk penyertaan pelanggan termasuk proses pemilihan pemenang-pemenang, pengedaran/penghantaran hadiah dan acara penyampaian hadiah;
- s. Mendapatkan semula, merekod dan menyimpan bagi tujuan audit dalaman/luaran;
- t. Memenuhi terma dan syarat kontrak pekerjaan dengan Bank;
- u. Pentadbiran dan pengurusan gaji, faedah kesihatan dan faedah pekerjaan yang lain; dan
- v. Rakaman adegan CCTV, terutamanya, boleh digunakan untuk tujuan yang berikut:
 - Jaminan kualiti;
 - Keselamatan dan kesejahteraan awam;
 - Mengesan dan mencegah penggunaan kemudahan, produk, perkhidmatan dan/atau premis kami secara mencurigakan, tidak sesuai atau tidak dibenarkan;
 - Mengesan dan menghalang tingkah laku jenayah; dan/atau
 - Menjalankan siasatan kejadian.
- w. Pemilihan juri, pelantikan dan semakan penilai, syarikat insurans dan pemaju; dan
- x. Penyelesaian aduan.

NOTIS PRIVASI

(Dikemas kini pada 06 September 2023)

7. Keizinan

- 7.1 Kami hanya mengumpul maklumat peribadi tentang anda yang perlu untuk melaksanakan fungsi dan aktiviti kami. Sekiranya anda tidak menyediakan maklumat ini atau mengizinkan penggunaan sesetengah daripada maklumat peribadi anda itu, kami mungkin tidak akan dapat menyediakan untuk anda produk atau perkhidmatan yang anda inginkan atau memproses permohonan anda untuk pekerjaan atau kemudahan atau mewujudkan urusan perniagaan dengan anda.
- 7.2 Dalam kebanyakan keadaan, sebelum atau pada waktu penyertaan sesuatu produk baharu atau semasa memohon kemudahan atau memohon pekerjaan dengan Bank, (atau sekiranya itu adalah tidak munasabah, semunasabah yang mungkin kemudiannya) kami akan mendapatkan keizinan daripada anda untuk tujuan ia hendak digunakan dan untuk mendedahkan maklumat peribadi anda.
- 7.3 Keizinan anda boleh dinyatakan secara lisan, bertulis atau ditunjukkan melalui tindakan anda.

8. Privasi Data dan Perkongsian Maklumat Peribadi

- 8.1 Kami mungkin berkongsi maklumat peribadi anda dengan Gabungan kami bagi tujuan untuk menawarkan produk dan perkhidmatan Bank dan Gabungan kami yang mungkin menarik minat anda. Untuk membolehkan kami berbuat demikian, kami akan mendapatkan keizinan daripada anda dan hanya berkongsi maklumat peribadi anda bagi tujuan yang telah anda persetujui.
- 8.2 Data (kecuali data yang telah sedia ada dalam domain awam) yang disimpan oleh Bank berkaitan dengan anda akan dirahsiakan, tetapi kami mungkin perlu untuk berkongsi maklumat peribadi anda dalam urusan harian perniagaan dan yang berkaitan dengan tujuan utama maklumat anda dikumpulkan dengan pihak-pihak yang berikut, tertakluk sentiasa pada mana-mana undang-undang (termasuk peraturan, piawaian, garis panduan dan/ atau obligasi) yang diterima pakai oleh kami:
- Bank dan Gabungan kami;
 - Mana-mana ejen, kontraktor, pemaju, pihak ketiga yang menyediakan perkhidmatan, penyedia jaminan kewangan, penasihat, pelikuidasi/Penerima dan Pengurus, juruaudit, pelelong, peniaga/pengedar/pembuat kenderaan atau juru perunding yang menyediakan perkhidmatan pentadbiran, telekomunikasi, pembayaran elektronik, pemrosesan dan analisis data, pembayaran, penyelesaian sekuriti, pemungutan hutang, penilaian, insurans, kaji selidik, guaman, kewangan, perakaunan, percukaian, audit atau merujuk perniagaan kepada kami atau perkhidmatan lain kepada Bank;
 - Mana-mana individu yang telah mengaku janji, sama ada secara lisan atau tersirat untuk merahsiakan maklumat tersebut atau sebaliknya bertanggungjawab kepada Bank untuk merahsiakannya;
 - Mana-mana institusi kewangan atau institusi lain, caj kredit atau syarikat kad lain yang anda telah atau bercadang untuk mengurus niaga;
 - Mana-mana pihak yang secara bersama dengan Bank melancarkan, menganjurkan atau menawarkan apa-apa produk, majlis atau perkhidmatan dan mana-mana pihak lain yang mempunyai urusan perniagaan dengan Bank berkaitan dengan perkhidmatan, produk, kaji selidik maklum balas pelanggan dan majlis yang ditawarkan atau dianjurkan oleh atau melalui Bank;
 - Bank pembayar yang menyediakan salinan cek yang telah dibayar (yang mungkin mengandungi maklumat tentang penerima bayaran) kepada pengeluar cek;
 - Agensi pelaporan kredit, dan, sekiranya berlaku keingkaran pembayaran, kepada agensi pemungut hutang;
 - Mana-mana individu, yang dibenarkan oleh undang-undang, peraturan, perintah mahkamah dan di bawah mana-mana garis panduan yang dikeluarkan oleh pihak berkuasa pengawalseliaan atau pihak berkuasa lain;
 - Mana-mana pihak yang memberi atau bercadang untuk memberi jaminan atau cagaran pihak ketiga untuk menjamin atau memastikan obligasi pelanggan;
 - Mana-mana pihak yang mengemukakan permintaan seperti yang disebutkan dalam perenggan 6(k) di atas;
 - Mana-mana pemegang serah hak Bank yang sebenar, atau yang dicadangkan, atau peserta, atau peserta kecil atau penerima pindahan berkaitan dengan hak Bank kepada pelanggan;
 - Nama-nama pemenang hadiah kempen pemasaran kepada pihak media dan laman web Bank; dan
 - Penasihat undang-undang dan penasihat profesional lain selain daripada mana-mana pihak yang disebutkan dalam perkara 8.2 (a) hingga (l) di atas.

NOTIS PRIVASI

(Dikemas kini pada 06 September 2023)

9. Pindahan Antarabangsa

- 9.1 Memandangkan kami menjalankan operasi serantau, maklumat peribadi mungkin diproses dan didedahkan seperti yang dinyatakan di atas dalam mana-mana negara di mana kami menjalankan perniagaan atau yang mempunyai penyedia perkhidmatan menurut Notis Privasi sekiranya:
- a. Anda telah memberi keizinan kepada pindahan tersebut;
 - b. Pindahan tersebut adalah perlu bagi prestasi kontrak antara anda dengan Bank;
 - c. Pindahan tersebut adalah perlu bagi penutup atau prestasi kontrak antara Bank dengan pihak ketiga yang dimeterai atas permintaan anda atau untuk kepentingan anda;
 - d. Pindahan adalah untuk tujuan prosiding guaman atau bertujuan untuk mendapatkan nasihat undang-undang atau bagi mewujudkan, melaksanakan atau mempertahankan hak undang-undang;
 - e. Bank mempunyai sebab-sebab yang munasabah untuk mempercayai dalam semua keadaan bahawa:
 - i. Pindahan bertujuan untuk mengelak atau mengurangkan tindakan yang tidak sewajarnya terhadap anda;
 - ii. Adalah tidak praktikal untuk mendapatkan keizinan anda secara bertulis berkenaan dengan pindahan tersebut;
 - iii. Sekiranya adalah praktikal untuk mendapatkan keizinan anda, anda pasti akan memberikan keizinan.
 - f. Bank telah mengambil semua langkah pencegahan dengan sewajarnya dan melaksanakan usaha wajar bagi memastikan maklumat peribadi anda diproses di tempat itu menurut undang-undang Malaysia;
 - g. Pindahan itu perlu bagi melindungi kepentingan anda; atau
 - h. Apabila kerajaan menganggap bahawa pindahan maklumat peribadi anda adalah perlu untuk kepentingan orang ramai.
- 9.2 Notis Privasi kami dan amalan kami dibuat untuk menyediakan tahap perlindungan yang konsisten bagi maklumat peribadi. Ini bererti bahawa di sesetengah negara yang undang-undangnya tidak memberi perlindungan yang mencukupi untuk maklumat anda, Bank akan tetap mengendalikan maklumat tersebut dengan cara yang dinyatakan dalam notis ini.

10. Keselamatan Maklumat Peribadi

- 10.1 Bank komited untuk melindungi keselamatan maklumat peribadi anda dengan melaksanakan kawalan keselamatan yang ketat dan mencukupi, langkah-langkah dan protokol seiring dengan amalan industri yang sedia ada dan keperluan undang-undang untuk menjaga dan menjamin maklumat peribadi anda daripada hilang, disalah guna, dipinda, diakses tanpa kebenaran atau didedahkan, dipinda atau dimusnahkan tanpa disengajakan.
- 10.2 Untuk mencapai matlamat ini, semakan yang kerap ke atas risiko bagi maklumat peribadi akan dibuat dan apa-apa kesilapan atau kelemahan keselamatan yang dikenal pasti akan ditangani dan diperbetulkan dengan segera.
- 10.3 Kami mengambil langkah-langkah keselamatan, tanpa mengira medium dalam mana maklumat disimpan (kertas, cakera komputer, dsb.), sistem yang memprosesnya (mikrokomputer, kerangka utama, sistem pesanan suara, dsb.) atau kaedah bagaimana ia digerakkan (mel elektronik, perbualan secara bersemuka, dsb.). Perlindungan seperti ini termasuk pengehadan akses kepada maklumat atas dasar perlu tahu. Bank memperuntukkan masa dan sumber yang mencukupi untuk memastikan maklumat dilindungi dengan sempurna.
- 10.4 Sebagai sumber rujukan bagi keperluan keselamatan maklumat Bank, dasar-dasar keselamatan maklumat, piawaian dan prosedur didokumenkan dan diselenggarakan sepenuhnya. Semua kakitangan, termasuk kakitangan baharu, diberitahu tentang tanggungjawab mereka berkenaan dengan maklumat peribadi anda. Juru perunding atau pihak luar lain yang dikontrakkan untuk menjalankan kerja untuk Bank juga mesti mematuhi keperluan ini dan mana-mana yang berkenaan, tertakluk kepada perjanjian yang tidak membenarkan mereka mendedahkan maklumat untuk memastikan aset maklumat Bank dirahsiakan.
- 10.5 Kami juga memerlukan anda untuk membantu kami dengan mematuhi langkah-langkah keselamatan yang disediakan bagi melindungi nombor pengenalan diri dan kata laluan peribadi anda dengan merahsiakannya. Ini dinyatakan dalam terma dan syarat akaun anda. Anda juga dapat mengehadkan liabiliti akaun anda daripada disalahgunakan sekiranya anda mematuhi keperluan ini.

NOTIS PRIVASI

(Dikemas kini pada 06 September 2023)

10.6 Sekiranya kami tidak lagi memerlukan maklumat peribadi anda untuk sebarang tujuan yang dinyatakan dalam Notis Privasi ini dan menurut mana-mana perjanjian yang dibuat antara anda dan kami, selepas tamatnya tempoh tahanan yang berkenaan, sama ada menurut mana-mana undang-undang dan peraturan atau berdasarkan keperluan di bawah dasar kami, atau sebaliknya, kami akan mengambil langkah yang munasabah untuk memusnahkannya dengan cara yang selamat atau mengeluarkan ciri-ciri pengenalan daripadanya.

11. Ketepatan Maklumat Peribadi

11.1 Bank akan mengambil semua langkah yang munasabah dan wajar untuk memastikan maklumat peribadi anda adalah tepat, sempurna dan terkini.

11.2 Anda boleh membantu Bank untuk menyimpan rekod yang tepat dan terkini dengan memaklumkan kepada kami secara bertulis tentang apa-apa perubahan agar rekod tentang anda boleh dikemas kini dengan segera.

12. Akses kepada Maklumat Peribadi

12.1 Sebagai pelanggan, anda boleh melaksanakan hak-hak yang berikut:

- a. Memeriksa sama ada Bank menyimpan maklumat peribadi tentang anda dan mempunyai akses kepada data berkenaan;
- b. Menghendaki kami untuk membetulkan apa-apa data yang tidak tepat berkaitan dengan anda;
- c. Menentukan dasar-dasar dan amalan kami yang berkaitan dengan data anda dan untuk dimaklumkan tentang data peribadi yang dipegang oleh kami; dan
- d. Untuk menarik balik keizinan untuk Bank memproses data peribadi anda.

12.2 Bank berhak untuk mengenakan fi yang munasabah bagi pemrosesan permohonan untuk akses kepada data.

12.3 Berkenaan dengan hak individu, permohonan untuk akses kepada data atau pembedahan data atau untuk maklumat berkenaan dengan dasar-dasar dan amalan dan jenis data peribadi yang dipegang, atau aduan privasi, permohonan anda hendaklah dibuat secara peribadi seperti berikut:

- a. Mengunjungi cawangan pemegang akaun anda; atau
- b. Menulis dan mengesposkan permohonan anda kepada:

Pengurus
Jabatan Perkhidmatan Pelanggan
Tingkat 13, Menara Public Bank
146, Jalan Ampang
50450 Kuala Lumpur

13. Pemasaran Terus/Telepemasaran

13.1 Bank boleh dengan kebenaran anda menggunakan maklumat peribadi anda untuk menyediakan tawaran, surat berita dan bahan pemasaran/maklumat tentang produk, perkhidmatan atau acara Bank yang mungkin menarik minat anda.

13.2 Sekiranya pada bila-bila masa anda memilih untuk tidak menerima maklumat pemasaran daripada kami, anda boleh mengunjungi mana-mana cawangan kami untuk mengarahkan kami supaya tidak menghantar kepada anda bahan-bahan berkenaan.

14. Pautan Laman web

Ambil maklum bahawa laman web kami mungkin mengandungi hiperpautan kepada laman lain yang tidak bergabung dengan Bank. Laman web hiperpautan tersebut mungkin memenuhi atau mungkin tidak memenuhi piawaian privasi yang sama dengan apa yang ditetapkan untuk pihak kami. Anda dinasihatkan agar memahami dan menilai piawaian dan prosedur privasi laman web tersebut. Pautan kepada laman web tersebut bukanlah pengesahan tentang kandungan laman web berkenaan dan bukanlah jaminan terhadap ketepatan maklumat yang terkandung dalam laman web tersebut.

15. Perubahan kepada Notis Privasi

Bank akan mengemas kini Notis Privasi ini dari semasa ke semasa untuk menunjukkan perubahan pada dasar, proses dan sistem kami berkenaan dengan bagaimana kami mengendalikan maklumat peribadi anda. Apabila kami membuat perubahan kepada notis ini, kami akan mengemas kini tarikh "**Dikemas kini pada**" pada bahagian atas setiap muka surat notis ini. Kami menggalakkan anda untuk menyemak notis ini dari semasa ke semasa.